

Na osnovu člana 21. Poslovnika o radu Koordinacionog odbora centralnih jedinica za harmonizaciju, Koordinacioni odbor centralnih jedinica za harmonizaciju u BiH na 2. sjednici, održanoj 11.2.2026. godine, donio je

ODLUKU
o budžetu Koordinacionog odbora centralnih jedinica za harmonizaciju
u Bosni i Hercegovini za 2026. godinu

Član 1.
(Predmet)

Budžet Koordinacionog odbora centralnih jedinica za harmonizaciju u BiH (u daljem tekstu: KO CJH) obuhvata sredstva za finansiranje KO CJH, finansiranje Sekretarijata KO CJH i finansiranje radnih tijela KO CJH.

Član 2.
(Prihodi i rashodi)

- (1) U skladu sa članom 21. stav (2) Poslovnika o radu Koordinacionog odbora centralnih jedinica za harmonizaciju, namjenski prihodi za finansiranje KO CJH u 2026. godini obezbjeđuju se iz sljedećih izvora:

Redni broj	Prihod po izvoru finansiranja	Iznos
1.	Budžet institucija Bosne i Hercegovine za 2026. godinu	30.000,00 KM
2.	Budžet Federacije Bosne i Hercegovine za 2026. godinu	30.000,00 KM
3.	Budžet Republike Srpske za 2026. godinu	30.000,00 KM
4.	Prenesena sredstva KO CJH iz 2025. godine i sredstva uplaćena u 2026. godini za 2025. godinu	53.305,78 KM
5.	UKUPNO	143.305,78 KM

- (2) Ministarstvo finansija i trezora Bosne i Hercegovine, Federalno ministarstvo finansija-financija i Ministarstvo finansija Republike Srpske, na zahtjev KO CJH izvršiće prenos odobrenih sredstava na namjenski otvoren podračun broj u okviru Jedinstvenog računa trezora prema sljedećoj instrukciji:

BANKA: CENTRALNA BANKA

BIC: CBBSA 22

PRIMALAC: Ministarstvo finansija i trezora BiH

TRANSAKCIJSKI RAČUN: 000 003 00000001 45

POZIV NA BROJ: 37111643 – Sredstva budžeta institucija BiH – Ministarstvo

finansija i trezora BiH – Koordinacioni odbor centralnih jedinica za harmonizaciju

- (3) Planirani rashodi za 2026. godinu odnose se na finansiranje aktivnosti KO CJH, uključujući materijalne troškove, ugovorene usluge i naknade, finansiranje aktivnosti Sekretarijata KO CJH, finansiranje radnih tijela koje uspostavlja KO CJH, uključujući i angažovanje eksternih eksperata, te naknade za rad u KO CJH.
- (4) KO CJH usvaja okvirnu namjensku strukturu rashoda i donosi odluke kojima se odobravaju budžeti pojedinačnih programa u skladu sa usvojenim programom rada.

Član 3. (Realizacija budžeta)

- (1) Realizacija budžeta KO CJH vršiće se preko Ministarstva finansija i trezora Bosne i Hercegovine, u skladu sa tehničkim procedurama propisanim Zakonom o budžetu institucija Bosne i Hercegovine i međunarodnih obaveza Bosne i Hercegovine i Zakonom o finansiranju institucija Bosne i Hercegovine.
- (2) Ministarstvo finansija i trezora Bosne i Hercegovine transakcije će vršiti preko namjenski otvorenog podračuna u okviru Jedinstvenog računa trezora preko kojeg se evidentiraju prihodi i kroz program posebnih namjena na šifri 0407010 – „Koordinacioni odbor centralnih jedinica za harmonizaciju (KO CJH)“ pri organizacionom kodu Centralne harmonizacijske jedinice Ministarstva finansija i trezora BiH u okviru aplikacije Informacionog sistema finansijskog upravljanja (ISFU), preko kojeg se evidentiraju rashodi i izrađuju finansijski izvještaji o izvršenju budžeta KO CJH.
- (3) Tehničku podršku za realizaciju budžeta pruža Centralna harmonizacijska jedinica Ministarstva finansija i trezora Bosne i Hercegovine.
- (4) Ukoliko se namjenski prihodi za budžet KO CJH ne utroše u 2026. godini, iznos neutrošenih sredstava prenosi se na finansiranje KO CJH u 2027. godini, u skladu sa procedurama koje se primjenjuju na evidentiranje namjenskih prihoda.

Član 4. (Procedure korišćenja sredstava i izvještavanje)

- (1) Realizacija budžeta Koordinacionog odbora centralnih jedinica za harmonizaciju vrši se u skladu sa Odlukom o usvajanju internih procedura za stvaranje, evidentiranje obaveza i izvještavanje o izvršenju budžeta KO CJH, broj KO-11/2017 od 19.10.2017. godine
- (2) Sekretarijat Koordinacionog odbora centralnih jedinica za harmonizaciju obavezan je da sačini godišnji izvještaj o izvršenju budžeta, koji dostavlja KO CJH na usvajanje.

Član 5.

(Izmjene i dopune Budžeta KO CJH)

Izmjene i dopune budžeta Koordinacionog odbora centralnih jedinica za harmonizaciju mogu se izvršiti tokom 2026. godine ukoliko dođe do korekcija Programa rada KO CJH za 2026. godinu na kojem se budžet KO CJH zasniva, odnosno ukoliko se planirane aktivnosti realizuju putem projekata koji se finansiraju iz IPA fondova ili iz drugih donatorskih sredstava.

Broj: KO-2/2026

11.2.2026. godine

PREDSJEDAVAJUĆI KO CJH

Milorad Nešić



Dostaviti:

- članovima KO CJH,
- a/a.